


朱子書節要 六




|       |    |   |    |     |
|-------|----|---|----|-----|
| 館書圖京東 |    |   |    |     |
| 二〇    | 六九 | 四 | 別表 | 儒家類 |
| 册     | 號  | 架 | 函  | 類   |


|     |    |   |    |   |
|-----|----|---|----|---|
| 漢書門 |    |   |    |   |
| 二〇  | 六九 | 四 | 六〇 | 八 |
| 册   | 架  | 函 | 號  | 類 |

|      |    |   |    |   |
|------|----|---|----|---|
| 庫文閣內 |    |   |    |   |
| 二〇   | 六九 | 四 | 六〇 | 八 |
| 函    | 册  | 架 | 號  | 類 |

|      |     |       |
|------|-----|-------|
| 內閣文庫 |     |       |
| 番號   | 漢   | 6018  |
| 冊數   | 20  | ( 6 ) |
| 函號   | 298 | 279   |

不許帶出







朱子書節要卷之六 諸子目錄

附錄 論事 文庫

胡原仲

名憲文定從子崇安人號籍溪入太學與劉勉之陰習伊洛之說歸隱故山召為秘書正字與祠歸先生

師事之見言行錄

范直閣

名如圭字伯達胡文定之甥建陽人從舅氏受春秋第進士知泉州罷居邵武忠孝誠實得於天性有集十卷見言行錄

卓夫人

劉公子羽繼室是生平甫見先生所撰劉公神道碑

黃端明

名中字通老邵武人廷試第一以龍閣致仕先生以公端莊靜重有溫厚和平之氣可師裁書請納拜而見之謚簡肅

王龜齡

名十多號梅溪溫州樂清人擢第第一官至太子詹事龍閣致仕謚忠文先生稱其

光明正大磊磊落落君子人

陳丞相 見上一卷

劉共父 名珙子羽長子崇安人從李父子學登進士官同知樞密院事精明果斷臨數鎮

民愛之如父母 母謚忠肅

韓無咎 即一卷韓尚書

芮國器 名燁烏程人與弟暉力學同登第任國子司業一統志燁作暉

鄭景望 名伯熊永嘉人為建寧太守見太全八十一卷跋語

尤延之 名襄號美軒又號遂初常州無錫人登第嘗為江西漕改江東提刑終禮部尚書少

從喻樞學在掖垣極言攻道學之非謚文簡中興四詩人之

郭冲晦 名雍父忠孝師事伊川著易說號兼山雍傳其學通世務隱陝州孝宗朝召不起賜

號頤正先生後又號冲晦先生又自號白雲然其學去程門遠甚云

程可久 名迴號沙隨寧陵人靖康之亂徙紹興之餘姚登第官至上饒令嘗受學於嘉興聞

人於德嚴陵喻樞著古易章句等書先生稱其博雅君子人也

程泰之 名太昌休寧人進士以龍閣學士致仕篤學於古今事靡不考究著禹貢論易原演

繁露等書

李壽翁 名椿洛州人官吏部侍郎先生為撰墓誌銘劉靜春題其所著觀畫書云李公尉衡

山時遊胡文定之門云

陳體仁

顏魯子

朱子書節要卷之六

問答論事

與籍溪胡原仲先生

憲紹與己卯由司直授校書正字

熹拜覆正字文文尊前熹拜違教席忽已月餘瞻慕之誠食息不置即自秋暑未闕伏惟祕府清暇尊候動止萬福官居廩食之況不敢問物情時變必已了然於胸中矣如有用我而將奚先此則區區所欲聞也因來賜書願以開示少紓畎畝之憂幸甚吾道不幸范文前月十八日遂不起疾憂時深切信道篤誠世豈復有斯人哉前此往哭其殯視其家生理蕭然

朱子書節要卷之六

未知所稅衆議葬於渭曲從其卜居之志甚善但聞其家欲居秦寧似非良計然伯修樂之人不得而問也熹初與元履諸人議以爲居建陽一則便於墳墓二則便於講學三則便於生事言之甚詳未有見從之意竊惟范文平日教誨之誼未敢默然故敢復言於左右伏想一慟之餘亦當念之至此因書一提其耳或能改轍東來則甚善也范文如圭秦寧縣名屬邵武伯脩如圭子念祖秋已向深江上消息如何得且平善甚幸然愚意反以爲憂蓋今出師防戍轉輸科斂所不能免聞沿江海州縣已騷然矣歲歲如此何以支吾此不得兩兵

相加而坐受弊之勢也前日劉子源來此道嶺上拜別所聞誨言以爲必極論天下事至於慷慨洒涕有以見仁人之心不能忘世如此伏計必有規模素定於會中熹竊謂天下形勢如前所云者亦當路所不可不知也救之之術獨在救其本根而已若隨其變而一一應之則其變無窮豈可勝救也哉而所謂救其本根之術不過視天下人望之所屬者舉而用之使其舉措用舍必當於人心則天下之心翕然聚於朝廷之上其氣力足以鼓動如羸病之人鍼藥所不能及熸其丹由氣海則氣血萃於本根而耳目手足

利矣燒本一作藝儒劣切  
燒也記燒蕭管

與范直閣如圭胡文  
定之甥

胡丈書中復主前日一貫之說甚力但云若理會得  
向上一著則無有內外上下遠近邊際廓然四通八  
達矣熹竊謂此語深符鄙意蓋既無有內外邊際則  
何往而非一貫哉熹頃至延平見李愿中文問以一  
貫忠恕之說見謂忠恕正曾子見處及門人有問則  
亦以其所見諭之而已豈有二言哉熹復問以近世  
儒者之說如何曰如此則道有二致矣非也其言適  
與卑意不約而合謾以布聞李文名侗師事羅仲素

先生羅嘗見伊川後卒業龜山之門深見稱許其棄  
後學又矣李文獨深得其闡奧經學純明涵養精粹  
延平士人甚尊事之請以為郡學正雖不復應舉而  
溫謙慈厚人與之處久而不見其涯鬱然君子人也  
先子與之遊數十年道誼之契甚深胡丈  
原仲  
熹奉親屏處幸粗遣免山間深僻亦可觀書又得胡  
丈來歸朝夕有就正之所窮約之中此亦足樂矣迫  
於親養夏末須為武林之行計不三四月未得定居  
也伏蒙別紙垂諭忠恕義仰荷不棄其愚與之反復  
為賜甚厚謹以來教所示熟思之矣敢復為說以請

益焉熹所謂忠恕者乃曾子於一貫之語默有所契  
因門人之問故於所見道體之中指此二事日用最  
切者以明道之無所不在所謂已矣者又以見隨復  
各足無非全體也忠恕兩字在聖人有聖人之用在  
學者有學者之用如曾子所言則聖人之忠恕也無  
非極致二程所謂繼天之命於穆不已天地變化草  
木蕃者正所以發明此義也如夫子所以告學者與  
子思中庸之說則為學者言之也故明道先生謂曾  
子所言與違道不遠異者動以天爾蓋動以天者事  
皆處極曾子之所言者是也學者之於忠恕未免參

校彼已推已及人則宜其未能誠一於天安得與聖  
人之忠恕者同日而語也若曾子之所言則以聖人  
之忠恕言之而見其與性與天道者未嘗有二所以  
為一貫也然此所謂異者亦以所至之不同言之猶  
中庸安行利行勉行之別耳苟下學而上達焉則亦  
豈有所隔閡哉愚見如此更乞教其不至者重賜鑄  
曉使得所正焉不勝幸甚  
武林指臨安所謂  
忠恕所疑竊字  
與慶國卓未人  
劉子羽繼室也見先  
生所撰劉公神道碑  
熹輒有愚見初欲面稟今既不成行敢此布之  
五哥  
獄廟近自春中以來頃滅遊燕復近書冊若常能如



此寡過可期更望因書褒勸以獎成之且聞尊意欲  
為經營幹官差遣不知然否喜則竊以為不可近世  
人家子弟多因為此壞却心性一生仕宦費力蓋其  
生而富貴本不知艱難一旦仕宦便為此官遂司只  
有使長一人可相拘轄又間有寬厚長者即以貴遊  
子弟相待不欲以法度見繩上無職事了辦之責下  
無吏民窺伺之憂而州縣守倖勢反出已不可以凌  
轍故後生子弟為此官者無不傲慢縱恣席勢凌人  
其謹飭者雖不至此亦緣不親民事觸事懵然非如  
州縣小吏等級相承職事相轄一日廢慢則罪戾及

不唐本  
作下

之故仕於州縣者常曉事而少過愚意以為平父可  
且令參部受簿尉之屬乃為正當若不欲如此即令  
人兄為營一稍在人下有職事與人打罵差遣乃所  
以成就之若必欲與求幹官乃是置之有過之地誤  
其終身恐非大碩人高明教子之本意也受恩深厚  
冒昧及此皇恐皇恐  
上黃端明  
具位熹敢齋沐裁書請納再拜之禮于致政尚書端  
明文文台座熹聞之孟子有言天下有達尊三爵一  
齒一德一此言三者之尊達于天下人所當敬而不

五哥劉珪夫人出也平父珪  
字也舍人兄劉珪平父兄也

可以慢焉者也雖然爵也齒也盖有偶然而得之者  
是以其尊施于朝廷者則不及於鄉黨施于鄉黨者  
則不及於朝廷而人之敬之也亦或以貌而不以心  
惟德也者得於心充於身刑於家而推於鄉黨而達  
於朝廷者也有是而兼夫二者之尊焉則通行天下  
人莫不貴雖歛然退避不以自居而人之所以心悅  
而誠服者盖不可解矣恭惟明公以兩朝侍從元老  
上還印綬而退處于家自天子不敢煩以政賜之几  
杖而乞言焉其位與年固非偶然而得之者矣而明  
公則未嘗以是而自異於人其所以默而成之不言

而信者則日新又新而未嘗有止也此天下知德之  
士所以莫不竊慕下風之義俱有執鞭之願而喜之  
愚則有甚焉者盖其平生氣稟偏駁洽已則不能謹  
於細微立志則不能持於常又以至待人接物之際  
溫厚和平之氣不能勝其粗厲猛起之心是以常竊  
自悼以為安得朝夕望見明公之盛德容貌而師法  
其萬一庶幾可以飭身補過於將來而不遂為小人  
之歸也今日之來盖將頓首再拜于堂下以償其夙  
昔之願伏惟明公坐而受之使得自進於門人弟子  
之列而不孤其所以來之意則喜之幸也鄉往之深

不自知其僭越敢以書先于將命者而立于無下以  
聽可否之命熹不勝皇恐之至

與王龜齡 十明號梅溪

熹窮居晚學無所肖似往者學不知方而過不自料  
妄以爲國家所持以爲重天下所賴以爲安風俗所  
以旣瀆而不可以復淳紀綱所以旣壞而不可以復  
理無一不係乎人焉是以聞天下之士有聲名節行  
爲時論所歸者則切切然以不得見乎其人爲歎及  
其次也或得見之或不得見之而熹之拳拳不少衰  
也聞其進爲時用則私以爲喜聞其阨窮廢置則私

以爲憂及夫要其所就而觀之則始終大節真可敬  
仰者蓋無幾人而言論風旨卒無可稱功名事業卒  
無可紀者亦往往而有以此喟然自歎知天下所謂  
聲名節行者亦未足以定天下之人而天下之事未  
知其果將何寄也自是以來雖不敢易其賢賢之心  
緩其憂世之志然亦竊自笑其前日所求於人之重  
而所以自待者反輕如孟子之所譏也於是始復取  
其所聞於師友者夙夜講明動靜體察求仁格物不  
敢弛其一日之勞以庶幾乎有聞者而於前日之所  
爲切切然者則旣有所不暇矣當是時聽於士大夫

古人本  
作克蓋  
克字糅  
體从古  
从人

之論聽於與人走卒之言下至於閭閻市里女婦兒  
童之聚亦莫不曰天下之望今有王公也已而得其  
為進士時所奉大對讀之已而得其在館閣時上奏  
事讀之已而得其為柱史在臺諫遷侍郎時所論諫  
事讀之已而又得其為故木丞相魏國公之誅文及  
楚東酬唱等詩讀之觀其立言措意上自奏對陳說  
下逮燕笑從容蓋無一言一字不出於天理人倫之  
大而世俗所謂利害得喪榮辱死生之變一無所入  
於其中讀之真能使人胸中浩然鄙吝消落誠不自  
意古人頑廉懦立之效乃於吾身見之於是作而歎

曰士之求仁固當以反求諸已為務然豈不日事其  
大夫之賢者云哉今以前日失數公者自懲是以一  
噎而廢食也於是慨然復有求見於左右之意而未  
獲也昨聞明公還自夔州撫臨近甸而熹之里閭交  
游適有得佐下風者因以書賀之蓋喜其得賢大夫  
事之而自傷無狀獨不得一從賓客之後以望大君  
于道德之餘光也不意夤緣與其向來鄙妄無取之  
言皆得徹聞於視聽明公又不以凡陋為可棄狂僭  
為可罪而辱枉手筆以抵宋倅盛有以稱道竊惟明  
公之志豈非以世衰道微遺君後親之論交作肆行

無所忌憚舉俗滔滔愚有以障其橫流者是以有取於愚者一得之慮因以不求其素而借之辭色也耶明公之志則正矣大矣而熹之愚未有稱明公之意也雖然有一於此其惟益思砥礪不敢廢其所謂講明體察求仁格物之功者使理日益明義日益精操而存之日益固擴而充之日益遠則明公之賜庶乎其有以承之而幸明公之終教之也雖然明公以一身當四海士大夫軍民一面之責其一語一默一動一靜之間所係亦不輕矣伏惟盛德大業前定不窮其剛健中正篤實輝光者固無所勉彊以熹之所覩

記則古語所謂行百里者半九十里明公其亦念之況今人物取然如明公者僅可一二數是以天下之人責望尤切而明公尤不可以不戒不審明公以為如何哉熹又聞之古之君子尊德性矣而必曰道問學致廣大矣必曰盡精微極高明矣必曰道中庸溫故知新矣必曰敦厚崇禮蓋不如是則所學所守必有偏而不備之處惟其如是是故居上而不驕為下而不倍有道則足以與無道則足以容而無一偏之蔽也熹之區區以此深有望於門下蓋所謂德性廣大高明知新者必有所措而所謂問學精微中庸崇

禮者又非別為一事也。狂易無取，明公其必有以裁之。往者明公在，變成都汪公聲聞，密適竊意有足樂者。此來時通問否？此公涵養深厚，寬靜有容，使當大事，必有不動聲色，而內外賓服者。明公相知之深，一日進為於世引類之舉，其必有所先矣。熹杜門養親，足以自遣。昨嘗一至湖湘，出資交遊，講論之益歸來，忽被除命，既不敢辭，而拜命矣。然明公未歸朝廷，熹亦何所望而敢前也。引領牙齋，未有瞻拜之期。向風馳義，日以勤止，輒敢復因宋侔相為介紹，致書下執事，以道其拳拳之誠。伏惟照察。必有所措，措疑不當。作指汪公應展。

與陳丞相一本作與龔實之丞相名俊卿

竊觀古之君子有志於天下者，莫不以致天下之賢為急，而其所以急於求賢者，非欲使之綴緝言語，譽道功德，以為一時觀聽之美而已。蓋將以廣其見聞之所不及，思慮之所不至，且慮夫處已接物之間，或有未盡善者，而將使之有以正之也。是以其求之不得不博，其禮之不得不厚，其待之不得不誠，必使天下之賢識與不識，莫不樂自致於吾前，以輔吾過。然後吾之德業得以無媿乎隱微而溲極乎光大耳。然彼賢者其明既足以燭事理之微，其守既足以遵

聖賢之轍則其自處必高而不能同流合汙以求譽  
自待必厚而不能陳詞飾說以自媒自信必篤而不  
能趨走唯諾以苟容也是以王公大人雖有好賢樂  
善之誠而未必得聞其姓名識其面目盡其心志之  
底蘊又况初無此意而其所取特在乎文字言語之  
間乎恭惟明公以厚德重望為海內所宗仰者有年  
矣而天下之賢士大夫似未得盡出於門下也豈明  
公所以好之者未至歟所以求之者未力歟所以待  
之者未盡歟此則必有可得而言之者矣蓋好士而  
取之文字言語之間則道學德行之士吾不得而聞

之矣求士而取之投書獻啓之流則自重有恥之士吾  
不得而見之矣待士而雜之妄庸便佞之伍則志節慷  
慨之士寧有長揖而去耳而况乎所謂對偶駢儷諛佞  
無實以求悅乎世俗之文又文字之末流非徒有志於  
高遠者鄙之而不為若乃文士之有識者亦未有肯深  
留意於其間者也而間者竊聽於下風似聞明公專欲  
以此評天下之士若其果然則喜竊以為為誤矣江右舊  
多文士而近歲以來行誼志節之有聞者亦彬彬焉惟  
明公留意取其彊明正直者以自輔而又表其惇厚廉  
退者以厲俗毋先文藝以後器識則陳太傅不得專美

於前而天下之士亦庶乎不失望於明公矣。衰病屏伏所  
欲面論者，悲而不獲，前姑過其大者。如此若蒙采擇，  
則熹所不及言者，必有輕千里而告於明公者矣。

與劉共父

共父嘗再知潭州，故與敬夫同刊文定本，所以并及南軒。

近略到城中，歸方數日，見平父示近問承寄聲，存問  
感感。但所論二先生集，則愚意不能無疑。伯逢主張  
家學，固應如此。熹不敢議所不可解者，以老兄之聰  
明博識，欽夫之造詣精深，而不曉此，此可恠耳。若此  
書是文定所著，即須依文定本為正。今此乃是二先  
生集，但彼中本偶出文定家，文定當時亦只是據所

傳錄之本。雖文定蓋不能保其無一字之訛也。今別  
得善本，復加補綴，乃是文定所欲聞。文定復生亦無  
嫌聞，不知二兄何苦尚爾依違也。此間所用二本固  
不能盡善，亦有灼然却是此間本誤者。當時更不會  
寫去，但只是平氣虛心，看得義理通處，便當從之。豈  
可肚裏先橫却一箇胡文定，後不復信道理耶。如定  
性書及明道敘述上富公與謝帥書中刪却數十字  
及辭官表倒却次序，易傳序改以爲沂祭文，改姪爲  
猶子之類，皆非本文。必是文定刪改，熹看得此數處  
有無甚害者，但亦可惜。改却本文，蓋本文自不害義。



理故也。敘述及富謝書是也。有曲爲回互而又失事  
實害義理者。辭表是也。曲爲回互便是私意害義理  
矣。惟定性書首尾雖非要功之辭。然明道謂橫渠實  
父表弟。聞道雖有先後。然不應以聞道之故傲其父  
兄。如此語錄說。二先生與學者語。有不合處。明道則  
曰。更有商量。伊川則直云。不是。明道氣象如此。與今  
所刪之書氣象類乎。不類乎。且文定答學者書。雖有  
不合。亦甚宛轉。不至如此。無舍畜。況明道乎。今如此  
刪去。不過是減得數十箇閑字。而壞却一箇從容和  
樂底。大體氣象。恐文定亦是偶然。一時意思欲直截。

發明向上事。更不暇照管。此等處。或是當時未見全  
本。亦不可知。今豈可曲意徇從耶。向見李先生本出  
龜山家。猶雜以游察院之文。比訪得游集。乃知其誤。  
以自先生先生歎息曰。此書所自來。可謂端的。猶有  
此誤。況其它又可盡信耶。只此便是虛已從善。公平  
正大之心。本亦不是難事。但今人先著一箇私意。橫  
在肚裏。便見此等事爲難及耳。又猶子二字。前論未  
盡。禮記云。喪服兄弟之子。猶子也。言人爲兄弟之子。  
喪服猶已之子。非所施於平時也。況猶子本亦不是  
稱呼。只是記禮者之辭。如下文嫂叔之無服。姑姊妹

猶子之  
字唐本  
同

之薄也。今豈可沿此遂謂嫂為無服而名姑姊妹以薄乎？古人固不謂兄弟之子為姪，然亦無云猶子者。但云兄之子弟之子孫亦曰兄孫耳。二先生非不知此，然猶從俗稱姪者，蓋亦無害於義理也。此等處文定既得以一時已見改易，二程本文今人乃不得據相傳別本改正，文定所改之未安處，此何理耶？又明道論王霸荀子等數篇，胡本亦無，乃此間錄去，有所脫誤，非文定之失。伊川上仁廟書，此間本無，後來乃是用欽夫元寄胡家本校，亦脫兩句，此非以他人本改文定本，乃是印本自不會依得文定本耳。似此之

類，恐是全不會參照，只見人來說自家刻得文字多，錯校得不精便，一切逆拒之，幾何而不為訛訛之聲。音顏色拒人於千里之外乎？夫樂聞過，勇遷善，有大於此者，猶將有望於兩兄，不意只此二小事便直如此殊失所望，然則區區所以劇論不置者，正恐此私意根株消磨不去，隨事滋長，為害不細，亦不專為二先生之文也。近以文定當立祠於鄉郡，說應求邦彥二公皆指其小節疑之。魏元履至為扼腕，今二兄欲尊師之而又守其尤小節處以為不可改，是文定有所謂大者終不見知於當世也。此等處非特二先生

之丈之不幸亦文定之不幸耳今既用官錢刊一部  
書却全不賭是只守却胡家錯本文字以為至當可  
謂直截不成議論恐文定之心却須該遍流通決不  
如是之陋也若說文定決然主張此書以為天下後  
世必當依此即與王介甫主張三經字說何異作是  
說者却是謗文定矣設使微似有此亦是克未盡底  
已私所謂賢者之過橫渠所謂其不善者共改之正  
所望於後學不當守已殘而妬道真使其遺風餘弊  
波蕩於末流也程子嘗言人之為學其失在於自主  
張太過橫渠猶戒以自處太重無復以來天下之善

今觀二兄主張此事得無近此聖賢稽叢舍已兼聽  
並觀之意似不然也每恨此道衰微邪說昌熾舉世  
無可告語者望二兄於千里之外蓋不翅飢渴之於  
飲食乃不知主意如此偏枯若得從容賓客之後終  
日正言又不知所以不合者復幾何耳欽夫尊兄不  
及別狀所欲言者不過如此幸為早似所云或不中  
理却望指教喜却不敢憚改也向所錄去數紙合改  
處當時極費心力又且勞煩衆人意以為必依此改  
正故此間更無別本今既不用切勿毀棄千萬盡為  
收拾便中寄來當十襲藏之以俟後世耳向來數十

本欲遍遺朋友今亦不須寄來熹不敢以此等錯本  
文字謾朋友也印本即胡家本乃胡家子弟所傳也  
文定本也應求陳俊卿邦彥陳良翰  
熹前幅所稟訪問人林事初若率然既而思之此最  
急務然其意有未盡者輒詳論之如左云古之大臣  
以其一身任天下之重非以其一耳自之聰明一手  
足之勤力為能周天下之事也其所賴以共正君心  
同斷國論必有待於衆賢之助焉是以君子將以其  
身任此責者必咨詢訪問取之於無事之時而參伍  
校量用之於有事之日盖方其責之必加於已而未  
及也無且暮倉卒之須則其觀之得以久無利害紛

拏之惑則其察之得以精誠心素著則其得之多歲  
引月長則其蓄之富自重者無所嫌而敢進則無幽  
隱之不盡欲進者無所為而不來則無巧偽之亂真  
久且精故有以知其短長之實而不差多且富故有  
以使其更迭為用而不竭幽隱畢達則讜言日聞而  
吾德脩取舍不眩則望實日隆而士心附此古之君  
子所以成尊主庇民之功於一時而其遺風餘韻猶  
有稱思於後世者也今之人則不然其於天下之士  
固有漠然不以為意者矣其求之者又或得之近而  
不知其遺於遠足於少而不知其漏於多求之備而

不知其失於詳也其平居暇日所以自任者雖重而所以得天下之士者不過如此是以勤勞惻怛雖盡於艱寡孤獨之情而未及乎本根長久之計恩威功譽雖播於兒童走卒之口而未諭乎賢士大夫之心此蓋未及乎有為而天下之士先以訕訕之聲音顏色待之矣至於臨事倉卒而所蓄之材不足以待用乃始欲泛然求已所未知之賢而用之不亦難哉或曰然則未當其任而欲先得天下之賢者宜奈何曰權力所及則察之舉之禮際所及則親之厚之皆不及則稱之譽之又不及則鄉之慕之如是而猶以為

未足也又於其類而求之不以小惡揜大善不以衆短棄一長其如此而已抑吾聞之李文公之言曰有人告曰某所有女國色也天下之人必將極其力而求之無所愛也有人告曰某所有人國士也天下之人則不能一往而先焉此豈非好德不如好色者乎嗚呼欲狂天下之重者誠反此而求之則亦無患乎士之不室矣

答韓無咎

李文公唐李翱謚文公語見文集

元吉號南澗

誨諭儒釋之異在乎分合之間既聞命矣頃見蘇子由張子韶書皆以佛學有得於形而上者而不可以

治世嘗竊笑之是豈知天命之性而敘秩命討已祭  
然無所不具於其中乎彼其所以分者是亦未嘗真  
有得於斯耳不審高明以為如何

與內國器燁

竊聞學政一新多士風動深副區區之望但今日學  
制近出崇觀專以月書季考為陞黜使學者層層然  
較計得失於毫釐間而近歲之俗又專務以文字新  
奇相高不復根據經之本義以故學者益驚於華靡  
無復探索根原敦勵名檢之志太抵所以破壞其心  
術者不一而足蓋先王所以明倫善俗成就人材之

意掃地盡矣惟元祐間伊川程夫子在朝與修學制  
獨有意乎深革其弊而當時咸謂之迂闊無所施行  
今其書具在意者後之君子必有能舉而行之區區  
願執事少加意焉則學者之幸也

昨者妄以鄙見薦聞伏蒙垂諭反復其說幸甚幸甚  
然竊以為未嘗行之不可逆料今日之不可行且  
事亦顧理之所在如何耳理在當行不以行之難易  
為作輟也盡心竭力而為之不幸而至於真不可行  
然後已焉則亦無所憾於吾心矣蘇氏之學以雄深  
敏妙之文煽其傾危變幻之習以故被其毒者淪肌

決髓而不自知今日正當拔本塞源以一學者之聽  
庶乎其可以障狂瀾而東之若方且懲之而又遽有  
取其所長之意竊恐學者未知所擇一取一捨之間  
又將與之俱化而無以自還是則執事者之所宜憂  
也

答鄭景望

伯能永嘉人  
為建寧太守

龔帥過建陽遣人相聞不及一見為恨今日季教授  
見訪云嘗小款道其語皆出於忠厚長者然在愚意  
尚未有深解處如論范忠宣救蔡新州及元祐流人  
以為至當之舉喜嘗竊論此矣以為元祐諸賢憂確

之不可制欲以口語擠之固為未當而范公乃欲預  
為自全之計是亦未免於自私皆非天討有罪之意  
也至其論諸公忽及爾之言違好還之戒自取禍敗  
尤非正理使後世見無禮於君親者拱手坐視而不  
敢逐則必此言之為也且舜流四凶族為梟陶者亦  
殊不念及爾之戒何耶推此心以往恐無適而非私  
者邵子文以為明道所見與忠宣合正恐徒見所施  
之相似而未見所發之不同蓋毫釐之間天理人欲  
之差有不可同年而語者矣又聞深以好名為戒此  
固然矣然偏持此論將恐廉隅毀頓其弊有甚於好

名故先聖云君子疾沒世而名不稱焉而又曰君子  
求諸已謹味此言不偏不倚表裏該備此其所以為  
聖人之言歟學者要當於此玩心則勿忘勿助之間  
天理卓然事事物物無非至當矣蘊帥茂良未有深  
解處未有當也。

此書下又有與景望論  
輕刑書今見舜典小註

答尤延之表號美軒

熹杜門竊食不敢與聞外間一事尚不能無虎食其  
肉之憂衰病疲蕭雖在山林亦不能有尋幽選勝之  
樂但時有一二學子相從於寂寞之濱講論古人為  
己之學至會心處輒復欣然忘食不自知道學之犯

科也年來目昏不敢甚讀書經說閑看踈漏頗多不  
免隨事改正比舊又差勝矣綱目不敢動者恐遂為  
千古之恨蒙教楊雄荀彧二事按溫公舊例凡莽臣  
皆書死如太師王舜之類獨於楊雄匿其所受莽朝  
官稱而以卒書似涉曲筆不免却按本例書之曰莽  
大夫楊雄死以為足以警夫畏死失節之流而初亦  
未改溫公直筆之正例也荀彧却是漢侍中光祿太  
夫而參丞相軍事其死乃是自殺故但據實書之曰  
某官某人自殺而系於曹操擊孫權至濡須之下非  
故以或為漢臣也然悉書其官亦見其實漢太子近



臣而附賊不忠之罪非與其為漢臣也此等處當時  
極費區處不審竟得免於後世之公論否胡氏論或  
為操謀臣而劫遷九錫二事皆為董昭先發故欲少  
緩九錫之議以俟他日徐自發之其不遂而自殺乃  
劉穆之之類而宋齊位於南唐事亦相似此論竊謂  
得或之情不審尊意以為何如李滌謝廓皆略識之  
具仲權亦聞其各今日下位後生中尚不為無人雖  
真偽相半然亦且得勸勉獎就之未敢輕有遺棄也  
陳向父近得書太言如昨亦力勸之令其稍就歛退  
若未真信即後日之患猶或有甚於此者甚可念也

叔祖奉使葬事甚荷憐念叔祖當日挺身請使留虜  
中十六年竟保全節而歸以奏對論和不可專恃且  
虜有可圖之釁忤秦丞相遂廢以死在虜中時嘗有  
祭徽廟文或傳以歸乙覽感動錫賚甚寵鄙意輒欲  
次其行事以請於左右幸而并賜之銘則宗族子孫  
皆受不貲之惠矣叔祖受知於晁景迂學甚博詩甚  
工也

虎食其外莊子單豹養其內虎食其外張毅  
養其外病攻其內劉穆之為劉裕腹心裕求  
九錫不由已愧懼發病死宋齊丘為李昇謀篡  
及昇立耻無功多負犯竟自縊死叔祖朱弁

與郭冲晦雍父忠孝師事伊川著易說號  
兼山通傳其學通世務隱陝州

孝宗朝不起賜號冲晦  
正先生後

一記之  
一唐本  
作一

高窮鄉晚出安竊有志於道雖幸有聞於師友而行  
之不力在苜蓿類侵今大馬之年五十有一矣脩身齊  
家未有可見之効而志氣不彊不能固守貧賤之節  
疆起從官舊學愈荒施之於人尤齟齬而不合大抵  
志不能帥氣理未能勝私中夜以思怛然內疚高明  
不鄙不知將何以教誨之熹所拱而蒞也向來次輯  
諸書雖亦各有據依不敢妄意損益然疑信異傳不  
無抵牾嘗得執事所辨數事每念一扣門下以畢其  
說而相去絕遠無從致問今幸得通姓名近刻程先  
生尹和靖二帖及白鹿五賢一記各納一本恐有可

因以垂教者切望不棄

此書後復復論易西銘性  
養氣等說皆以郭說為非

答程可久

迥即沙  
隨程氏也

所論為學本末甚詳且悉前書所謂世道衰微異言  
蠱出其甚乖刺者固已陷人於犯刑受辱之地其近  
似而小差者亦足使人支離繳繞而不得以聖賢為  
歸歧多路惑甚可懼也願且虛心徐觀古訓句解章  
析使節節透徹段段爛熟自然見得為學次第不須  
別立門庭固守死法也

示論曲折令人慨歎然今日上下相迫勢亦有不  
已者故事之從違可否常在入而不可以唯審時量

力從吾所好為在已而可以無不如志爾先生研精於易至有成書樂行憂違伏想會中已有成筭固非晚學所得而輕議也

前此累書咨問古度量黍尺田制及論易理筮占等說茲未盡錄

忽聞有奉祠之命為之惘然得非反以貳車改正之舉而激之至此也邪世路險巇人情不可測以長者之寬平博厚處之尚未能坦然無所繫閱況如鄙狹之姿又安可望於少行其志耶行亦力請所還故官仰繼後塵爾

貳車明道游鄂山詩序聞貳車是公來游云云翰墨全書通判為俸專俸副也謂為太守之副又自集謂之貳藩

答程泰之 大昌 著行繁露

當暮

易卦之位震東離南兌西坎北者為一說十二辟卦分屬十二辰者為一說及焦延壽為卦氣直日之法乃合二說而一之既以八卦之震離兌坎二十四爻直四時又以十二辟卦直十二月且為分四十八卦為之公侯卿大夫而六日七分之說生焉若以八卦為主則十二卦之乾不當為巳之辟坤不當為亥之辟艮不當侯於申酉巽不當侯於戌亥若以十二卦為主則八卦之乾不當在西北坤不當在西南艮不

當在東北巽不當在東南彼此二說互為矛盾且其  
分四十八卦為公侯卿大夫以附於十二辟卦初無  
法象而直以意言本已無所據矣不待論其減去四  
卦二十四爻而後可以見其失也楊雄太元次第乃  
是全用焦法其八十一首蓋亦去其震離兌坎者而  
但擬其六十卦耳諸家於八十一首多有作擬震離  
兌坎者近世許翰始正其誤至立踦贏二贊則正以  
七百二十九贊又不足乎六十卦六日七分之數而  
益之恐不可反据其說以正焦氏之失也  
六日七分  
分法見  
天原發微卦氣篇太玄法一首九贊猶易一卦六爻  
也八十一首為七百二十九贊每二贊當一日止於

三百六十四日四分日之三久四分日之三乃立踦  
贊以當其二立贏贊以當其二則所剩者有一分  
熹昨聞禹貢之書已有秦篇轉借累年乃得其全猶  
恨繪事易差間有難攷究處近乃得溫陵印本披圖  
按說如指諸掌幸甚幸甚此書之傳為有益於學者  
但頃在南康兩年其地宜在彭蠡九江東陵敷淺原  
之間而考其山川形勢之實殊不相應因考諸說疑  
鼎氏九江東陵之說以為洞庭巴陵者為可信敷淺  
原合是衡山東北一支盡處疑即今廬阜但無明文  
可考耳閣下向者固嘗經行而留意之久記覽之富  
其必有以質之故敢輒獻所疑伏惟有以教之幸也

此書所論九江敷淺原之說  
今見禹貢蔡氏傳故此略抄

答李壽翁

椿誌銘見太  
全七十四卷

熹竊嘗聞之侍郎知易學之妙深造理窟每恨不得  
執經請業茲辱誨諭警省多矣麻衣易說熹舊見之  
常疑其文字言語不類五代國初時體制而其義理  
尤多淺俗意恐只是近三五十年以來人收拾佛老  
術數緒餘所造嘗題數語於其後以俟知者及去年  
至此見一戴主簿者名師愈即今印本卷後題跋之  
人初亦忘記其有此書但每見其說易專以麻衣爲  
宗而問其傳授來歷則又祕而不言後乃得其所著

他書觀之則其文體意象多與所謂麻衣易說者相  
似而間亦多有附會假託之談以是心始疑其出於  
此人因復徧問邦人則雖無能言其贗作之實者然  
亦無能知其傳授之所從也用此決知其爲此人所  
造不疑然是時其人已老病昏塞難可深扣又尋即  
物故遂不復可致詰但今考其書則自麻衣本文及  
陳李戴汪題四家之文如出一手此亦其同出戴氏  
之一驗而其義理則於鄙意尤所不能無疑今以台  
諭之及當復試加考訂他日別求教也程君著說亦  
嘗見之其人見爲進賢令至此數得通書愷悌博雅

君子人也自別有易說今以呈納伏幸視至程君即

答陳體仁

來教謂詩本為樂而作故今學者必以聲求之則知其不苟作矣此論善矣然愚意有不能無疑者蓋以虞書攷之則詩之作本為言志而已方其詩也未有歌也及其歌也未有樂也以聲依永以律和聲則樂乃為詩而作非詩為樂而作也三代之時禮樂用於朝廷而下達於閭巷學者諷誦其言以求其志詠其聲執其器舞蹈其節以涵養其心則聲樂之所助於詩者為多然猶曰與於詩成於樂其求之固有序矣

是以凡聖賢之言詩主於聲者少而發其義者多仲尼所謂思無邪孟子所謂以意逆志者誠以詩之所以作本乎其志之所存然後詩可得而言也得其志而不得其聲者有矣未有不得其志而能通其聲者也就使得之止其鐘鼓之鏗鏘而已豈聖人樂云樂云之意哉況今去孔孟之時千有餘年古樂散亡無復可考而欲以聲求詩則未知古樂之遺聲今皆以推而得之乎三百五篇皆可協之音律而被之絃歌已乎誠既得之則所助於詩多矣然恐未得為詩之本也况未必可得則今之所講得無有畫餅之譏乎


故愚意竊以為詩出乎志者也樂出乎詩者也然則志者詩之本而樂者其末也末雖亡不害本之存患學者不能平心和氣從容諷詠以求之情性之中耳有得乎此然後可得而言顧所得之淺深如何耳有舜之文德則聲為律而身為度蕭韶二南之聲不患其不作此雖未易言然其理蓋不誣也不審以為如何今皆以推以當作可然後可得而言恐脫詩字或詩字在後字下有舜之文之文當作文之

答顏魯子

熹昨蒙諭及深衣謹并幅巾大帶納上皆溫公遺製也但帶當結處合有黑紐之組所未能備其說見於

書儀本章可考而增益也又有黑履亦見書儀此不敢納呈去古益遠其冠服制度僅存而可攷者獨有此耳然遠方士子亦所罕見往往人自為制詭異不經近於服妖甚可歎也若得當世博聞好禮者表而出之以廣其傳庶幾其不泯乎

朱子書節要卷之六



Faint vertical text within a rectangular border, likely bleed-through from the reverse side of the page. The text is mostly illegible due to fading.

Small handwritten mark or characters in the upper left corner of the left page.



